

## لیلة الرغائب و رجب آی نین فضیلتلری

قمری ایلترین یئددینجی آی نین آدی رجبدر.

قمری ایلترین یئددینجی آی نین آدی رجبدر. بو آی نین فضیلتلری یاددان چیخمامالیدیر چونکی بو آی تکلیفدا چوخ یوخاری حرمت و ارزشه صاحبدر. قرآن کریمده دؤرد آی «حرم» تعبیری ایله قید اولوب کی اونلاردا قتال و ساواش حرام ساییلیر و اونلارین بیرکده رجب آی دیر.

اللهین رسولو (ص) بویوروب: «رجب اللهین بؤیوک آیدیر و حرمت و فضیلتده هنج آی اونا چاتماز و بو آیدا کافرله ساواش حرامدیر. بیلین کی رجب اللهین آی و شعبان منیم آییم و رمضان امتیمین آیدیر. هر کس رجبده حتی بیر گون اوروج توتسا اللهی اؤزوندن راضی ائدی و اللهین غضبی اوندان اوزاقلاشار».



امام صادق (ع) نقل اولوب کی رسول الله (ص) بئله بویوروب: رجب منیم امتیمین استغفار آیدیر. پس بو آیدا استغفار ائله بین کی الله ارحم الراحمیندیر. رجبی «اصب» آدلاندیریلر چونکی بو آیدا اللهین رحمتی منیم امتیمه چوخو نازل اولار. پس داها چوخ «استغفر الله و اسئله التوبة» دئیین.

امام صادق (ع) بیر روایتده بئله گلیب: «رجب 27-جی گونون اوروجونو الدن بوراخما کی او گون محمد (ص) نبوت مقامی وئرلیب. بو اوروجون ثوابی 60 آیینان برابر دیر».

رجبین اهمیتینه گؤره اونا آیری آدلار دا وئرلیب: بو آی نین باغیشلاماق آی اولدوغونا گؤره «شهرالاستغفار». آیری حرام آیلاردان آیریلیب تک اولدوغونا گؤره «رَجَبُ الْقَرْد». اللهین رحمتی نین داها چوخ نازل اولماسینا گؤره «رَجَبُ الْأَصَب». و «شهر امیرالمؤمنین» آدی.

رجب آییندا اسلام گونشی ظاهر اولدو و اسلام پیغمبری نبوته مبعوث اولدو. اوچ امامیمیز: امام علی (ع)، امام باقر (ع) و امام جواد (ع) ولادتلی بو آیدا باش وئرلیب.

عین حالدا بو آیدا امام موسی کاظم (ع)، امام هادی (ع) و خانیم زینب (س) وفاتلی دا بو آیدا واقع اولوب.

### لیلة الرغائب

رجب آی نین لاپ گؤزل گونلریندن بیری بو آی نین اول جمعه گنجه سیدیر. بو گنجه نین آدی لیلة الرغائب دیر.

رغائب رغبه نین جمعیدر. رغبه «امر مرغوب فیه عکاء کثیر» یعنی اوندان چوخلو موهبتلر و بخشش لر اولان گنجه.

رسول الله دان نقل اولان بیر حدیثده بئله گلیب: «بو گنجه نین آدینی ملائکه قویوب و بو گنجه اوچون بیر نماز وار کی هر کس اونو قیلسا اونون ثوابی لاپ گؤزل شکلده و گولر اوزون و فصیح دیل اینن قبرین اول گنجه سی نماز قیلانین گؤزونه ظاهر اولوب دئیر: ائی دوست من سنه هر چتینلیقدن نجات تاپدیغینی بشارت وئریم». نماز قیلان اونا دئیر: «سن کیمسن؟ ایندی به قدر بو جور گؤزل اوز و بوجور شیرین سؤز و بو جور گؤزل عطر بیلیمه میشم». جواب گلر: «من سنین لیلة الرغائبده قیلدیغین نمازین ثوابی یام. گلمیشم کناریندا اولام و قورخونو سندن اوزاقلادام. صور چالینان زمان قیامت عرصه سینده سنین باشینا کؤلگه سالاجام. سنوین کی بو خیر سندن زایل اولمایاجاق».

لیلة الرغائب نمازی نین کیفیتی:

شام و خفتن نمازلاری آراسیندا هر ایکی رکعتی بیر سلاملا بیتن 12 رکعت نماز قیلاجاقسان. هر رکعتده بیر حمد 3 قدر و 12 توحید سوره سی اوخویاجاقسان. 12 رکعت بیتندن سونرا 70 دفعه «اللهم صل علی محمد النبی الامی و علی آله» دئییه جاقسان سونرا سجده یه گندیب 70 دفعه «سُبْحُوْهُ فُؤُوسٌ رَبُّ الْمَلَائِكَةِ وَالرُّوحِ» دئییب الله دان ایسته دیقلارینی دیله گتیره جاقسان. انشاء الله مستجاب اولار.

رجب 13- و اعتکاف عمل لری

ایام البیض آدلانان رجب 13، 14 و 15-جی گونلری اعتکاف گونلردیر. بو اوچ گونده اعتکاف ائله ماغین چوخ ثوابی وار.

ام داوود عمل لری

رجب آی نین مشهور عمل لریندن ام داوود اعمالیدیر.

عراقلی معرفت اهلی اولان بیر جوان منصور دوانیقی البله اوزون مدتلی زندانا دوشور. آناسی تاب توانین الدن وئرلیب امام صادق (ع) محضرته یئتیشیر و او حضرتدن چاره ایستیر. حضرت بویورور: بیلیرسن بو آی رجب آیدیر و اوندان دعالار مستجاب اولار؟ دئیقلاریمی دقیقاً یئرینه گتیر کی اوغلون زندانان قورتولسون».

«رجب 13، 14 و 15-جی گونون اوروج توت. 15-جی گونون گونا اورتاسیندا غسل ائله و 8 رکعت نماز قیل. (نمازین نجه لیغی مفاتیحده وار)». ام داوود نمازی قورتاران کیمی اوغلو آزاد اولدو. تنز حضرتین محضرته چاتب خبری اونا وئردی. امام بویوردو: «گنجه لرین بیرنده منصور دوانیقی حذیم امیرالمؤمنین علی (ع) بوخودا گؤدو کی اونا بئله دئدی: «هر نه تنزراق اوغولوم داوودو آزاد ائله مه سن سنی اودا آتارام». منصور گؤزو قاباغیندا اودو گؤرنده داوودو آزاد ائله ماق مجبوریتینده قالدی.

